

Ich ben Kaminsfäger vun Berof. Un do hatte mer Eck Wetzlarer Stroß, Esserstroß, do wor en Aal met nem Hungk. We' mer fäge däte, dann dät dat jo su rummele en däm Kamin. Dann fing dä Möpp aan zo belle wie nor jet. Un dät belle un belle un belle. Un die Aal säht immer, mer hätte nit gefäg, obwohl die dä Krach hüre moot. Ich vermute, die wor dauv.

Jedenfalls si' mer dann ens hingegangen un han an dat Kehrgerät, alsu an dä Besem, do wo dä Bömmel draan es, ha' mer e Glöckche draan gedon. Dann si' mer su, mer woss jo ungefähr, wie wigg mer wore, su en Höhe vun der eeschte Etage, wo die Aal wonne dät, hin, un han dann dat Kehrgerät, dä Besem met däm Stään, immer jet aangetrocke un dann hät dat gebimmelt un gebimmelt un gebimmelt. Domet ha' mer die Aal total verdötsch gemaht.

Wie mer dann meddags kome un mooten der Dreck erusholle, da hät se sich dann offenbart, ja, se hätt dat ävver gehoot. Un e Glöckche hätt se gehoot. Dat mir dat gewäse sin un dat dodran gebunge han, dodrop es se nit gekumme.

Faust, Bernd (69): *Kaminsfäger*

ʔefj pe ka'mi:nsfæ:jə fɔn bæko:f ʔɔn da: hatə_m beɪ_ə 'kʊɛtʃla:ʁe ʃtʁo:s 'ʔɛsɛʃtʁo:s do vo_ən ʔa:l med_nəm hʊŋk vɛ mɛ fɛ:jə dɛ:tə dan dɛ:t:at jo zu bʊmələ_ɛn dɛm ka'mi:n ʔɔn dan fiŋ dɛ mœp ʔan tʃʊ bɛlə vi nu:ɔ jɛt ʔɔn dɛt bɛlə_ɔn bɛlə_ɔn bɛlə ʔun di ʔa:l zɛ:t ʔime mɛ hɛtə nit jəfɛ:ʒ_op'vol di dɛ kʁax hy·wə mo:t ne ʔifj fɛmu:t:i vo doʊf jɛ:dŋ'fals:ime dan_əns 'hinjəjanŋ ʔɔn han ʔan dat 'ke:ɔjəʁɛ:t ʔazo ʔan dɛ bezəm do vo dɛ bɔmɛl dʁa:n_ɛs ha_mɛ glœkfjə dʁa:n jɛdɔn:ə dan zɪ_mɛ zu· mɛ vos jo ʔɔnjə'fœɔ ve vik vɛ vo:wə zu_ɛn hœ_ə fʊn dɛ ʔe:ʃtə ʔe'ta:ŋ vo di ʔa:l vʊnə dɛ:t hin ʔɔn han dan dɛt 'ke:ɔjəʁɛ:t dɛ bezəm met:ɛm ʃtɛ:n ʔime jɛt 'ʔa:njɛtʁœkə ʔɔn dan hɛt:at jɛbimɛlt ʔɔn jɛbimɛlt ʔɔn jɛbimɛlt 'dɔmet ha_mɛ di ʔa:l to'ta:l fɛdœtʃ:ɛma:t ʔɔn vi mɛ dan 'medas kɔ:mə ʔɔn mo:tŋ dɛ dʁɛg_œʁs'hœlə da hɛt sɛ zɪʒ dan ʔɔfɛn'ba:t ja zi hɛt dat ʔɛvə jəho:t ʔɔn_ə glœkfjə hɛdŋ zə jəho:t dat mi:ɔ dat jœvɛ:zə zɪn_ɔn han dad:ɔ'dʁa:n jɛbɔŋ 'dɔdʁœb_ɛs:ə nit jœkʊmɛ

